

安徽府縣志輯

中國地方志集成

道光繁昌縣志  
乾隆涇陵縣志

道光繁昌縣志



(清)曹德贊 原本  
(清)張星煥 增修

1912

責任編輯 薛飛  
封面設計 范一辛  
美術編輯 姜嵩

中國地方志集成

安徽府縣志輯④

出版發行 江蘇古籍出版社

社址：南京市中央路一六五號

發行部電話：〇二五—三二一、三三四六二

郵編：二一〇〇〇九

印刷 上海市印刷七廠

定價 一八二元

1998年4月第1版第1次印刷

ISBN 7—80643—002—4/K·2

本書十八卷首一卷，清道光六年  
(一八二六)刊，據民國二十六年(一九  
三七)鉛印本影印。

增修繁昌縣志序

凡事屬職分之所當為時勢之有可為而因循怠玩莫之或為者皆廢弛之漸也繁昌一切公務宜因時而舉者多矣而縣志一書自乾隆十六年修後迄今垂八十年余自任午冬來茲土見舊志殘缺即有志興修其明年閏邑被水居民離折官吏疲勞未暇及此今當連歲豐登瘡痍稍復

中丞陶公謂安省自分藩以來未有崩志

奏請纂修檄下各州縣採訪哀輶以備紀載並頒發採訪程式以期 各州縣

士紳先後踴躍遵行書成次第以上繁辭僻小獨 焉不講可乎且是書也前令曹君及少尉林君已具底稿較前志頗為明備續而纂之易易也失此不修後將散佚而不可復續誰之咎與爰取是書冗者刪之缺者補之其體例之未合者釐而正之而閩邑士紳亦皆踴躍從事相與有成竟不至以刻楮貽宋人笑倘亦艱於創始而樂於圖成之一驗歟且夫志之為書也非徒以爬剔摭摭矜誇博誇誇富麗也其謂

繁昌縣志書 卷之首 序

一邑山川之險易土地之肥瘠風俗之淳澆賢焉具載宰斯土者將為之體形勝則思所以因循固稽賦役則思所以謀生聚祭禮俗則思所以教化先定其規模以從事而凡事之所當為者皆可審時度勢次第以舉而不負乃職焉志者規模之所從立也 不揣固陋勉為之倡衆為之和矣夫繁邑之事待於有為者多矣所願閩邑士紳電勉同心以長佐余之所弗逮

道光六年歲次丙戌秋八月

賜進士出身繁昌縣知縣乙酉科江南鄉試同考官前翰林院庶吉士加二級善化張星煥撰

舊序 一 卷第十 五

繁昌縣知縣馮洪攷

繁志之缺略久矣今所據為粉本者正德間志然一展卷寥寥數牘鄙俚簡率三言村人語爾則轉轉而稽諸郡郡志作於萬曆辛丑差若可憑然多詳於附郭而略於外縣無可考也夫邑雖僻小而提封有履等威有辨經賦有韻物服有章而徵往瑛來布在方策舍志奚適有如官其地者以身為郵簿書權筆足了一日其於一邑之文獻漠不關心坐使書契之世爽於結繩殘闕之形烈於秦燼誰職其咎而致是邪受事以來幾欲更始乃實苦於軍興孔劇連歲凶飢拮据荒政日不暇給壬午夏日二麥初稔凋瘵稍痊余唯恐其弗及也亟與邦父老子弟討故實以論之而集衆思以成之閱三月而役竣是役也事取其嚴而郭書杜撰之必屏也議取其公而納交要譽之必察也謀取其斷而聚訟築室之勿泥也三資者具余應得以成其事焉因擬山川之閱人多矣自有茲邑以來迄武廟時閱千五百年而當事者初肯其繁自正德迄今又百有餘歲而山川文物殆若再開生面也者蓋人與地與時相迥若斯

繁昌縣志書 卷之首 舊序 一

之難而遙觀厥成余適有原幸益滋有苦心已

聖天子威加中外膏露滂沱黎民安堵樂業十數年於茲矣又治通板 意臣乃請  
大修天下地志輔行郡邑潛奉檄即同學博洪 明鍾韓 允昌遴選牛員才學淹  
俊者設館蒐之詳加釐定閱三月而書成措散弁言於首粵稽周官外史掌四方之  
志此輿地志之所由來也屬世相沿凡疆域山川扼塞要害城郭溝塗田井賦役宜  
仕選舉人物節孝學校圩堡以及寺觀仙釋典籍方術禽魚草木禮儀俗尚無不悉  
具天下揆文奮武之區皆各有記載亦代有增修以備史乘之蒐繁雖彈丸小邑然  
處江左上游密邇藩省其風物茂美不下蘇吳間井仁厚頗臻於古爰考舊志更覺  
煩蕪者難之脫漏者補之我

朝定鼎以來一切條件繁分門類庚增不阿不隱矢公矢慎如陳詩短諸葛之才魏  
收滅爾朱之惡吾知免矣措於此獨有感也從來干戈搶攘之餘何暇纂錄與國仰

惟 昌縣志書 卷之首 續序二

與朝旭運天下太平

天子既致我禮樂文教故在位咸欲潤色

皇猷倡茲盛典特亦因剖符下邑庶務清簡克與二三人士遠稽博採象對景賦詩  
彙成此編較舊本特詳確典雅綽有史裁此一代之光非復一邑一家之私乘云爾

邑之有志所以辨形勢之險易明土地之沃瘠稽戶口之登耗核賦稅之贏縮考風  
俗之淳漓如是焉而已險易辨則保疆固圉有程也沃瘠明則調劑區畫有據也登  
耗稽則休養生息有規也贏縮核則酌損益有準也淳漓考則勸懲旌別有方也  
夫然後清弊源快膏本按成憲樹良法相其緩急而輕重布之斯政行教舉吏治民  
安邑有所恃以固矣邑固則郡固郡固則省固則國固則維神京安泰山而奠磐石  
斷斷如也是故修通志必自修邑志始蓋區乘流然後知朝宗之大搢列宿然後知  
北極之尊尊者履要卑者履詳理勢然也繁昌彈丸邑耳語形勢則據郡省之上游  
長江縮焉波流浩涉至鵲嶼始水轉山迴形勢為之一束清其上使望不得入則屹  
有轍矣疏其下使滯不得壅則兼有壘矣誠多為之備又益以草薶髮櫛俾機峙岸  
趾墳隸舞掉之姦無所容斯保疆固圉有餘耳此形勢之宜辨也語土地則半屬山  
鄉半為澤國同懸嚴城之下其田既若累棋汗萊沮洳之間其田又若斥鹵兩陽調

惟 昌縣志書 卷之首 續序三

四

則各中收早澇歧則惟備熟計惟周隄防時蓄洩廣陂池齊心力斯調劑區畫不無  
少助耳此沃瘠之宜明也論戶口則宋戶四千九百有奇元戶一千五百有奇明戶  
三千三百有奇至我 朝則戶增至六千九十有奇額較溢矣聞之商盛則考稼者  
多畜蕃則敗羣者衆故曰招徠致庶易安輯保庶難若夫董四民使各安其業中三  
物使日進於良亦庶幾罔軼矣乎顧猶有虛焉大兵所經雖保無風鶴之驚也軍興  
所督難保無絲穀之賣也暑雨未必其無吝也祁寒未必其無怨也則休養生息誠  
不能不慮於懷耳此登耗之宜稽也語賦稅則惟正之供源流詳焉

國家定鼎以來經制一準萬歷改額而下無藝之徵悉汰除之下此則庶課要矣庶  
課獨非地利也哉乃彼則寓以撫字而有餘此則加以敲扑而不足民念則毀產以  
紓目前甚則累家以競逃亡也吏嘗則賄補以爲彌縫甚則束手以聽參罰也考其  
所自釐課始自二千金而羨運奉清丈遞加至四千金而羨是益一倍矣夫天地生  
財止有此數一盈則一虧東漲則西沒今也前後之額遠若廷楹詎無以少報多以

無爲有之弊邪州戶告困日深下吏不憚爲窮黎請命所恃各憲繪流民之圖  
聖天子垂如鑪之聽則轉滯於清波登水火於枉庸有引領聖耳此對勸捐益所  
宜核厥贏縮也論風俗則山樞隔輪有唐風之檢采闡贈苟無節俗之淫且風俗亦  
何常之有南陽好商賈召信臣教以本業顯川好告許韓延壽教以禮讓風行草偃  
惟上之從又况敦龐未盡汲檢利未盡開邪此勸懲旌別所宜考厥淳淳也五者備  
而志幾全矣他如星野災祥之恒變建置沿革之異同城郭池隍之修築解署宮室  
之廢興學校廟壇之因創山陵邱墓之顯晦以至官方政蹟之鑿駁名宦鄉賢之典  
聖忠孝節烈之繼起科第髦俊之蔚立旁而及於文章著作之淹富仙釋方伎之神  
奇山水亭臺之佳勝土產物華之紛錯博物君子能言之鴻儒碩士能筆之騁人墨  
客能咏歌而紀載之延年可勿喙耳今也繁民之疴瘵卽延年之疴瘵繁民之疾痛  
卽延年之疾痛故其爲言切實不汎朴實無文如此不然者通志之修赫然奉  
聖天子詔命行且由郡藩以達臺部集一省之大成以進呈

繁昌縣志 書 卷之首 卷序三

五

容寬僻邑小臣苟稍飾其說是自賈矣也其何敢於其志成謹拜手稽首弁之簡端

書序四 卷十六年

繁昌縣知縣 王熊飛

邑之有志爲治之資也封域田土賦稅食貨兵防吏治學校民風分外史之所司以  
備職方之稽考故宜於土俗合於人情而八政七教之施不勞而定且夫山川之靈  
異鍾靈於人其顯者足以光邦家而言坊行表之所留皆可砥風化而維名節史雖  
通載而邑志宋之志之修蓋若斯之重也繁之邑大江亘其流北距河淮南分江楚  
又衆峯列峙秀靈所盤礴心臧物愛之異區而板子一磯扼姑孰皖城南北咽喉之  
要詎曰僻在一隅曠方所可略乎歲己巳予奉

天子命承乏是邑履任以來朝夕惟懷祗懼暇則聚父老子弟陶邑之利弊思泝次  
以興除考証遺編以佐人言之弗逮洎披覽舊乘未修訂者垂八十年嗚呼寧惟故  
老之傳聞半銷歎於語言文字而八十年中之損益亦時異而事殊志以資治文不  
足則獻亦無徵難以合人情宜土俗矣恭遇

六飛南御問俗觀風繁昌最爾區統荷

繁昌縣志 書 卷之首 卷序四

六

宸衷軫念重以上稟交徵飾修縣志予雖執掌風塵敢云無作史材遂貽羞於陋越  
乎於是聘名宿簡一邑秀良授館具餐參互而考訂正舊志之謬蓋而增以八十載  
之見聞始庚午仲冬迄於今秋七月而予也簿書之隙訪求商確以定是非去取之  
閱惟覈實以考真不刻期而欲速蓋閱時凡四告厥成焉夫修志之事與史畧同才  
不足以良敷學淺而識微無當於三長之目難語依經樹則以仰酬乎懿好之人心  
斯志之修詎謂上追史然數典必綜諸古而無稽曲說之勿庸平情以釋其施而濫  
述諛碑之習絕要使人情土俗藉以發明而僻在一隅者得備瞻軒之采則釐前志  
啟將來或亦可爲爲治之資而八政七教之一助爾書成將以授梓例弁數語於簡  
端乃不揣弗文穉庸冗而爲之序

重修繁昌縣志序

繁昌縣知縣 曹德贊

今使將一邑之中所謂山川之險易賦役之衆寡風俗之厚薄無不若網在綱有條不紊舍志其何以哉顧修志之難其弊有二苟簡則失之缺略濫收則失之荒蕪二者交謬而濫收爲尤其往見明康海武功志韓邦奇朝邑志嘆其詳嚴而輿圖疆域容有未備又見毛大可蕭山志刊誤書僅三卷辨訛迺八十餘條由斯以談志亦何可易言矣 前供職臨常奉派協修

國史其時適纂修

大清一統志行取道省通志以供採擇辛未夏 出幸繁昌甫下車即索邑志讀之思求其要領所在且將以上之史館也繁邑載長補短不足百里數載以來周歷殆遍所見山川風俗按之邑志輒不盡合且修教之困革人物之富庶按之邑志又不盡合蓋王志修於乾隆辛未一仍聚志之舊而稍增益焉詎以傳訛無所更正聚志修於康熙乙卯八手編輯而不復融會貫通往往自相矛盾水道一門尤爲謬誤

繁昌縣志書 卷之首 原序

七

惟願治丙申張志最爲精詳有法惜無完本今所見者縣圖至選舉八卷及雜記藝文兩卷而已正德崇禎兩卷則其文不傳久矣 不揣固陋公餘之暇重爲釐定原本舊志証以太平府及蕪湖南陵等志並博採歷代地理及現行賦役全書則例下連碑版文集之屬參互而考訂之而與史林君光祖留心宰故且官是邑最久凡有疑義相與往復商確不厭詳慎焉者證之支者甚之增昔所無續今所有凡三易其藁而後告成爲志十卷十有八雖不敢謂繁簡得宜折衷至當庶幾徵文考獻足以傳信云爾夫志者史之流也政教之本也周官行人之職禮俗政事教治刑禁爲一書康樂和親安平爲一書然後天下之故無不周知焉洪惟 聖朝重熙累洽文治光昭士習民風蒸蒸日上 承乏繁昌於茲六載學淺才疎自慙報稱惟日與邑之人課桑麻興學校相安無事共樂昇平通得簿書之餘成此邑乘以備輶軒之采其厚幸爲何如耶書既成因識其緣起既以自勗並以告後之宰是邑者

舊跋

繁昌縣知縣 陳喬齡

惟我 聖天子覆載無私朔南皆說禮宣樂聖仁漸義摩吞雲叶雨之鄉梯航並至浴日浮天之表爾稽舊籍固已協氣旁流共球輯瑞德心廣布文軌同休乃當 萬幾之乘猶慮士習民風之念且頌

九重之責不憚者方問俗之勤凡以土宇山川極關治化聲名文物足驗淳龐故詩探風謠不遺小國書載方域非止巨靈民以邑糾積之著蒸養之象政以志核考之成通會之書此 良有司之所以仰體鏡鏡而繁邑乘之所以重修盛也按繁山環 崢嶸爲姑那之巖區溪繞江橫貫南天之勝境鸞鶴諸舍孕靈奇白嶼紅尖鑿鍾 文秀太平之景物野盡桑麻

盛世之井瀾鄉皆魚米渾渾樸樸風號唐風都郁城城依然古處斯謂無美不備抑 亦有人則靈矣然忘歲月而樂昇平者百有餘載素志乘而失編紀者七十多年天 繁昌縣志書 卷之首 舊跋

地菁英每益新而益異嶽淵精源恒愈發而愈光或功可旂常或行推闡黨或芳踪 掩抑或奇節埋沉又且侶蝦抱虎而不彰煮鼎燒丹而終晦賦就三都而莫聖詩成 七步而無標即此需載之多材從可例推夫他類第以事湮年遠據據殊難彙編 荒蒐尋尤苦欲信今而傳後敢不惟慎惟嚴將勵俗而扶風安計任勞任怨能知此 意可言斯志之修明克體此心乃識 賢侯之美舉夫 侯本桂林鉅手槐苑宗工 宏才寄保障之賢小試妙宏鮮之術拊循善政已泐心於白叟黃童與革良規早著 蹟於丹書綠字於是以治民之禮治志調和等寬猛之宜以垂教之意垂文溫厚達 激揚之道虛衷採訪何遺於工賈漁樵雅意編纂奚憾於毫釐錄奏聘請則鴻儒核 筆鉛槧獨精參稽則鄉彥名流見聞倍確舍毫釐簡必三四以躊躇博集嚴收務會 同其議論則筆則削字挾風霜以校以書章成圭璧洵規前而芝繁就簡審哉皇哉 亦示後而補漏增華美矣備矣 才漸武庫學愧文淵目睛豹斑性誠鳩拙願 分隣燭在桑梓久藉餘光而鐸樹花封幸芹藻亦邀溢潤况

宮籟丹碧

宸翰昭回夙夜悚惶惟此鼓篋弦歌之化人文蔚起恒切風醇俗美之思細閱班才

太府大人且汲許而加之華弁快編董筆備齊小吏亦臆言而贊以燕詞蓋邑乘

與

國史無殊自此卜

贈軒之類采盛事與隆時並著從茲知鼓吹之愈休云爾

重修繁昌縣志卷之首

凡例

一繁志自順治至乾隆業經三修張志十二卷有綱有目梁志廣為十八卷然綱目不分王志仍梁志之舊而廣為三十卷門羅誇多辭駁特甚且江防先於山川封蔭先於田賦亦屬次序不倫新編為卷十八為綱十為目六十有二比類相附井然秩然首屬考次與地正經界也次營建次食貨次學校次武備詳治法也有治法則必有治人故職官次之教化行則風俗美故人物次之然後題

一王志山水總圖將諸山橫豎羅列殊無義意江防圖尤為倒置新編確核疆域另繪縣境江防二圖並補繪學宮圖

一王志沿革察數語且多游移新編博採諸書務求可據並以今縣地繪列代縣治圖於右庶讀者一目了然

繁昌縣志書卷之首 凡例

一王志山與嶺分巖與洞分殊為割裂且江防不過數十里而有謂江夾口魯明江等目幾不知此江即自岷山入海之江矣斯編山嶺巖洞合而為一惟以方位為次水道以江為宗而荻港滄港二水發源注江者次之其荻港滄港二水經由之地即注於本條之下以免紛煩

一王志風俗或抄儀禮或抄荆楚歲時記其自記士風又復俚而不文斯編為就本色風俗登載無取掠美飾觀

一城池公署壇壝田賦學校概以現行者為主其以前損益沿革附載於後以資考鏡

一縣屬兵防陸路屬農采營水路屬游兵營王志江防另為一門而陸路列入職官殊乖體制斯編總為武備志而水驛馬政附焉其官職姓氏仍列入職官志

一王志人物為一門孝義列女流寓隱逸方伎仙釋又各為一門將謂孝義在人物外乎斯編統為人物志分宜續文苑孝友德行尚義書壽隱逸流寓方伎仙

釋爲十日

一節孝爲風化攸關張志非詳准旌表者不載誠爲有見樂志未旌者一例編入亦善善從長之意至年例未符本不遵行載入但念其立志甚堅苦節可憫姑附載於後以備他日採訪可也

一碑板之文舊志本列入藝文曹翊庭志稿以其文附於事謂事以文博文亦以事傳良爲快舉而藝文所收者僅古今體詩耳於體例稍有未合今仍取碑板之文列入藝文仍於各條下註明有文詳藝文而文之無足存者但註云某某有記

一是書也前令曹翊庭獨任其事少尉林光祖襄之煥則稍爲釐定而加增焉其中或有遺悞尙冀博雅君子重爲訂正庶不以咎煥者兼答及前令曹翊庭

繁昌縣志書 卷之首 凡例

二

重修繁昌縣志姓氏

增纂官

協修官

繁昌縣知縣乙酉科江南省鄉試同考試官前翰林院庶吉士加二級張星煥

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊

繁昌縣知縣前翰林院庶吉士加二級曹德贊





議主 歲序 序 序 監 監 監

叙

貢

縣

承謝元錄  
簿王代柏  
生趙瀾  
生王標  
生鮑黎風  
生謝源  
生王鐸  
生許生盈

繁昌縣志書 卷之首 姓氏

六

繁昌縣志目錄

卷之首

序

卷之一

建置沿革

形勢

卷之二

風俗

卷之三

城池

繁昌縣志書 卷之首 目錄

卷之四

壇壝

卷之五

戶口

卷之六

蠲卹

馬田

卷之七

學宮

卷之八

凡例

輿地志

星野

山川

輿地志

古蹟

營建志

公署

倉庫附

營建志

寺觀

食貨志

田賦

食貨志

恩賚

社會

學校志

從祀

學宮志

姓氏

輿地志

星野

山川

輿地志

古蹟

營建志

公署

倉庫附

營建志

寺觀

食貨志

田賦

食貨志

恩賚

社會

學校志

從祀

學宮志

目錄

輿地志

星野

山川

輿地志

古蹟

營建志

公署

倉庫附

營建志

寺觀

食貨志

田賦

食貨志

恩賚

社會

學校志

從祀

學宮志

圖

輿地志

星野

山川

輿地志

古蹟

營建志

公署

倉庫附

營建志

寺觀

食貨志

田賦

食貨志

恩賚

社會

學校志

從祀

學宮志

學宮源流 學署 學田 學額

書院

卷之九 武備志

兵防 城守 江防 烽燧 水障

馬政 夫役附

卷之十 職官志 名宦附

卷之十一 選舉志 封廕鄉飲附

卷之十二 人物志

宦績 文苑 孝友 懿行

卷之十三 人物志

繁昌縣志書 卷之首 目錄

尙義 耆壽 隱逸 流寓 方伎

仙釋

卷之十四 人物志

節孝

卷之十五 人物志

未旌節孝

卷之十六 藝文志

文

卷之十七 藝文志

詩 書籍

卷之十八 雜類志

戎事 祥異

辨訛

繁昌縣志書 卷之首 目錄

三

繁昌縣志卷之一

輿地志

建置沿革

郡縣既分畛域判焉色自西漢以來備置不常遷徙頻復沿革不明紛如聚訟矣夫疆域素則地與時左幅員定斯官與人符留心事故者所宜亟講也  
志建置沿革

繁昌縣

唐虞夏商屬揚州(省志)

於古則荒服之國(晉書地理志)

禹貢揚州之域(輿地廣記)

周屬揚州(歷代沿革表)

武王訪秦伯後得仲雍曾孫周章時已長勾吳因封於吳(府志)南陵舊志稱周

繁昌縣志書 卷之一 輿地志 建置沿革 一

武王封秦伯五世孫周章於吳

元王四年越滅吳地屬越(戰國策)或作元王三年滅

顯王三十五年越王無疆伐楚師敗楚殺無疆乘勝盡取吳故地遂屬楚(戰國策)

策楚威王六年)

秦始皇帝二十四年滅楚悉定江南地置楚郡(府志)

始皇帝二十六年分天下為三十六郡以楚郡分為郢會稽九江三郡(史記)

按文獻通考稱四十郡與史記異

漢初屬鄣郡(歷代沿革表)

武帝元封二年改鄣郡為丹陽郡屬揚州統縣十七宛陵於潯江乘春穀秣陵故鄣句容溧丹陽石城湖熟陵 縣蕪湖溧陽蕪歙宣城(漢書)春穀之名始此

按春穀舊治在今縣西春穀鄉

後漢屬揚州丹陽郡治如故省宣城地入宛陵統縣十六宛陵一溧陽二丹陽三故

鄣四於潯五溧六歙七黟八陵陽九蕪湖十秣陵十一湖熟十二句容十三江乘十四春穀十五石城十六(郡國志)黟師古日本作黟

光武帝建武六年移丹陽郡治宛陵丹陽縣春穀領如故(府志)

三國吳主永安間分蕪湖以北為丹陽郡治建業以南為故鄣郡治宛陵春穀秣陵

(梁志)

按丹陽郡治宛陵兩漢書同三國吳仍治宛陵非建業也吳主權改秣陵為

建業黃武四年遷都焉宋書所謂秣陵其地本名金陵晉武帝太康二年分

丹陽為宣城郡治宛陵而丹陽始移治建業舊志謂吳永安間丹陽郡治建

業誤

吳孫策初渡江即以周瑜周泰相繼為春穀長自後常為重鎮(文獻通考)

西晉屬揚州宣城郡武帝太康元年分丹陽立(宋書州郡志)水經注同

太康二年徙丹陽郡治建業廢故鄣置宣城郡治宛陵統縣十一宛陵宣城陵陽

繁昌縣志書 卷之一 輿地志 建置沿革 一

安吳臨城石城溧春穀廣德寧國懷安(晉書地理志)按省志丹陽陽字派从

阜晉宋二書並从木以丹陽山多赤柳為名)

按宣城郡建置年月當從沈約鄣元作元年為是今考元和郡縣志又云漢

顯帝立宣城郡太平寰宇記又云武帝元符元年改鄣郡為丹陽郡至順帝

又改為宣城郡恐皆誤

東晉屬宣城郡又於春穀地僑立繁昌縣屬襄城郡又屬淮南郡元帝太興元年即

位建康移丹陽郡治襄城西時流民從帝渡江即春穀地僑立襄城郡繁昌縣以

處之(府志)繁昌之名始此

按東晉時春穀繁昌兩縣並立春穀舊治在今治西春穀鄉有今南陵縣地

繁昌舊治在移風鄉普照臨即今蕪湖縣南辛圩

繁昌今漢舊名本屬潁川魏分潁川為襄城又屬焉晉亂(按亂字下疑有省字

一襄城郡以此縣屬淮南割於湖為境(宋書州郡志)

按漢繁昌縣本屬潁川魏屬襄城郡晉元帝時因襄城郡繁昌之民從帝渡江流聚春穀遂即春穀地僑立襄城郡繁昌縣以處之南唐以後仍其名不改其晉時僑立之繁昌縣地今已併入蕪湖今繁昌縣地則漢春穀縣舊壤也○于湖即今當塗縣

成帝咸和四年蘇峻亂約為亂江淮民南渡江者輻多乃於江南僑立淮南郡領縣有三繁昌春穀定陵（晉史）

按王志載成帝咸和以江淮之民南渡者多僑立淮南郡於春穀繁昌間僑立定陵縣沿革志內綴繁昌於襄城郡下並云春穀仍隸宣城定陵別隸淮南與晉史異未詳所本今沿革表遵晉史更正○定陵今漢舊名木廟裏城郡至是僑立於此後荆蕪湖為境隋併其地入南陵今定陵舊治已不可考且無其名故不入表

孝武帝太元八年改春穀為陽穀（晉書）

繁昌縣志 卷之一 輿地志 建置沿革 三

按南陵縣志載宋孝武大明六年以避太后諱改春穀為陽穀屬宣城郡與晉書不符況宋齊書志宣城屬縣並無春穀可見春穀本隸淮南或偶因淮南郡停並隸宣城尋復折置淮南則與于湖遠道定陵等縣並屬淮南為是至稱避后諱改為陽穀殊無所考（遠道漢作遠道晉作遠道本僑縣也隋省入宣城定陵縣亦省入南陵）

安帝義熙九年太尉劉裕表定制諸流寓郡縣多所併省襄城郡以繁昌領於淮南省陽穀入蕪湖而春穀遂廢又省蕪湖入襄垣縣（府志）自是春穀闕

歷代沿革表淮南郡領縣五繁昌上黨蕪湖襄垣于湖

按春穀縣自晉義熙九年省入蕪湖又省蕪湖入襄垣至梁天監元年始於陽穀地置南陵郡中歷宋齊八十八年則陽穀地亦入襄垣矣

宋明帝泰始三年還屬揚州領縣六于湖當塗繁昌襄垣定陵遠道（宋書州郡志）通鑑注宋泰始中以揚州之淮南宣城為南豫州

齊屬淮南郡

淮南郡領縣六于湖繁昌當塗遠道定陵襄垣（南齊書州郡志）

梁武帝天監元年於陽穀地置南陵郡治精圻為南陵縣隸之（梁史）

按晉書哀帝召桓溫入朝至精圻築城居之即此

南陵本漢春穀縣後併于湖縣尋又屬繁昌梁武帝始置南陵縣屬南陵郡臨江有城基見在去今縣一百三十里（續通典）梁南陵縣曾治精圻隋唐為領成（明一統志）

陳文帝天嘉五年於南陵縣置北江州南陵郡隸之（陳史）

按梁時於春穀地置南陵郡陳文帝復於南陵置北江州隸石城臨城定陵等五縣而繁昌仍屬南豫州淮南郡

隋文帝開皇九年平陳廢淮南郡並襄垣于湖繁昌西安四縣更置當塗徙治城隍罷北江州及南陵郡並定陵等縣置南陵縣（府志）自是繁昌關春穀地仍為

繁昌縣志 卷之一 輿地志 建置沿革 四

南陵縣

唐高祖武德初改郡為州以宣城為宣州領縣八（府志）

宣州宣城郡領縣八宣城當塗涇廣德南陵太平寧國旌德（唐書地理志）

武德四年以南陵縣隸池州（舊唐書）

太宗貞觀元年二月分天下為十道八曰江南潤宣二州屬之廢池州仍以南陵縣隸宣州（府志）

新唐書志元宗二十一年分天下為十五道其第十三為江南西道治豫章郡宣州屬之舊唐書志肅宗以後觀察使治宣州又乾元元年十二月甲辰置浙

江西道節度使領昇潤宣歙等十州尋廢至德宗貞元三年二月宣州屬江南

東道置觀察使領之昭宗龍紀元年五月楊行密陷宣州表於朝請以行密為

宣歙觀察使按萬歷南國府志自乾元以後宣州統縣十宣城一望當塗二繁

涇縣三繁廣德四繁涇陽五溧水六南陵七太平八甯國九旌德十僖宗光啟

三年復置昇州割溧陽溧水隸之宣州統縣八

昭宗大順元年改宣州爲南國軍授楊行密節度使

元宗時於南陵仁義鄉置石碌場探石碌（在今縣治南鄉）舊志○按今繁昌及南陵縣均無仁義鄉）

長安四年移南陵縣治於青陽城（江南通志）

按長安保武后年號長安四年即唐中宗嗣聖二十一年

舊唐書志池州南陵縣漢春穀縣地梁置南陵縣治赫圻城唐長安四年移治青陽城（即今南陵縣治）

南唐昇元中割南陵五鄉復置繁昌縣同蕪湖縣隸金陵府改當塗爲建平軍（府志）

據方考梁初十一國至周之季存者七國自江以南二十一州爲南唐自浙東西十三州爲吳越通考同通鑑輯覽五季晉天福二年吳主下詔禪位於齊十

繁昌縣志書 卷之一 輿地志 建置沿革 五

月齊王徐誥即帝位於金陵國號唐改元昇元元年是爲南唐萬曆甯國府志唐先主昇元元年以甯國軍之當塗廣德隸江南府領蕪湖繁昌綏安等七縣通考昇元中改吳之金陵府爲江南府置蕪湖銅陵繁昌三縣又以宣州之當塗廣德池之青陽來屬與甯國府志異

江南通志繁昌隋初併入當塗而府志云湖南陵地置則南唐復置之繁昌亦非舊繁昌地矣（按南唐時繁昌縣舊治在今縣北四十里延載鄉舊縣領地另有圖考附沿革表後）

按晉南豐繁昌縣興造記云繁昌者故南陵地唐昭宗始置爲縣與府志所謂南唐昇元中復置者異一府志亦作昇明中查南唐無昇明年號明字自係元字之訛）但今縣實止五鄉府志相傳必非無據且通考亦云昇元中改金陵爲江南府置蕪湖銅陵繁昌三縣則繁昌爲南唐昇元中復置無疑又按梁志職官表載唐省縣爲石碌場楊吳天祚三年始復置縣王志同查

天祚三年吳主楊溥禪位於齊十月齊王徐誥即帝位於金陵改元昇元元年是吳之天祚三年即南唐昇元元年而沿革表內復載唐史昇明中復置繁昌縣隸金陵府與職官表異蓋梁志分手纂輯人自爲說宜其前後互相矛盾不能一致也今沿革表仍遵府志

宋太祖開寶八年平江南以廣德蕪湖繁昌屬宣州（通考）

太宗太平興國二年升平南軍爲太平州（初南唐於當塗置新和州後周改雄遠軍宋開寶八年改平南軍宋書作南平軍）復當塗縣並宣州之蕪湖繁昌三縣屬之隸建康府路（宋史志建康軍節度領江南東路）太平州縣三當塗

（上）蕪湖（中）繁昌（中）宋史地理志

元世祖至元十四年升太平州爲太平路領縣仍舊轄於江南行御史臺（元史）

成宗元貞元年改江東建康道平太平路（梁志）○府志貞元元年分天下爲二十二路）

繁昌縣志書 卷之一 輿地志 建置沿革 六

順帝至正十五年明兵渡江首取太平路升爲府（府志）

明太祖高帝屬直隸京師太平府

英宗天順元年移繁昌縣志於金棧上鄉以延載鄉故城爲縣鎮

國朝順治二年江南布政使司太平府統縣三當塗蕪湖繁昌（皇輿表）

康熙六年江南安徽布政使司（駐劄江南府）隸太平府如故

乾隆二十六年安徽布政使司（移駐安慶府）隸太平府如故

沿革表

嬴秦以前無春穀繁昌之名也無其名斯無沿革矣今沿革表斷自漢武帝元封二年始不欲繁稱遠引使讀者徒眩心目也

世代

武帝元封二年

國名

揚州

郡名

丹陽郡

縣

春穀 春穀之名始此